

# ՂԱՐԱԲԱՂՅԱՆ ԵՐԳԸ ԱՄԵՐԻԿՅԱՆ ԲԵՄԵՐՈՒՄ

Ամերիկյան համայնքի երաժշտասրահներում վերջերս հյուրախաղերով հանդես եկավ դարաքաղցի երիտասարդ դեռասանուհի և երգչուհի Անահիտ Իշխանյանը: Երիտասարդ արտիստուհին ավարտել է Ստեփանակերտի թատերական ստուդիան, աշխատել մարզկենտրոնի Մ. Գորկու անվան հայկական դրամատիկական թատրոնում: Այժմ սովորում է Երևանի գեղարվեստաթատերական ինստիտուտի ռեժիսորական բաժնի 4-րդ կուրսում, գուգահեռ փոկայի դասեր է վերցնում ՀՍՍՀ ժողովրդական արտիստուհի Վարդուհի Խաչատրյանից:

Լուս Անջելեսում և Նյու Յորքում տեղի ունեցած յոթ համերգների (որոնցից հինգը՝

հայկական դպրոցներում, քարեգործական հիմունքներով)՝ ժամանակ կատարեց մոտ երկուսուկես տասնչակ ազգագրական, ժողովրդական, հեղինակային երգեր՝ հիմնականում դարաքաղցյան: Արտիստուհու երգացանկում տեղ էին գտել Մանդակունու «Ղարաքաղ», Գ. Գաբրիելյանի «Ղարաքաղի հորովելը», «Գանձասար», «Ամարաս» երգերը, որոնք լայն մասսայականություն են վայելում հայաշատ բոլոր վայրերում: Լուս Անջելեսում նրան նվագակցել է տեղի «Նահրի» ժողգործիքների նվագախումբը: Ա. Իշխանյանին ընկերակցել է ամերիկահայ ճանաչված երգիչ Հարութ Փամբուկյանը:

Իր ոգեշունչ կատարումներով դարաքաղցի երգչուհին ամերիկահայ երաժշտասերների

հայրենաքաղձ սրտերում քորքոքել է սեր ու անմար կարոտ առ հայրենիք: Այդ մասին են վկայում ամերիկահայ մամուլում տպագրված ազդերն ու գնահատականները. «Ինչպե՞ս չերթալ և չլսել քաջարի, ամիսներե ի վեր տառապող, տրկացող հերոս հայրենակիցներու տոհմիկ կենցաղը երգերու միջոցավ: Եվ ի՞նչ հրճվանք ու զոհումակություն. նոր ծլող աստղ մը, նոր ինքնատիպ երգեր և նոր հետաքրքրական մեկնաբանություն... Անահիտ Իշխանյան հրապուրիչ է, ուշիմ և շնորհալի: Կերզն պարզ, զգացումով և հասկացողությամբ. խորունկ և հանելի է, երբ բառերը կերգե, քայց ինչո՞ւ տրամադրությունը և ապրումները կանջատե, երբ միայն երաժշտությունը կնվագե տունե-

րու միջև»,— գրել է երաժշտագիտուհի Անգիմե Քեշիշյան-Մուրադյանը «Նոր կյանք» շաբաթաթերթում:

«Անահիտ Իշխանյան իր յուրահատուկ ոճով, դարաքաղցյան քարքառի հարազատ ձայնելնեջներով, ինչպես նաև ըզգայնությամբ կրցավ հաղորդել իր ունկնդիրները, փոխադրելով զանոնք պահ մը Ղարաքաղի սարերը, ապրեցնելու համար գեղջկական կյանքի հմայքը»:— Նույն թերթում իր կարծիքն է գրել Նահապետ Մելքոնյանը:

Մնում է ավելացնել, որ երիտասարդ երգչուհու համերգային շրջագայությունը կազմակերպել էին «Նոր կյանք» շաբաթաթերթի խմբագրությունը և բանաստեղծ Վահրամ Հանյանը:

Հ. ԱՅՎԱԶՅԱՆ